

壬癸志稿二十一

太倉錢寶琛伯瑜輯

同里

葉裕仁涵溪
季錫疇菘菘
趙兆熊耳山
畢庭杰雄伯

參校

人物

鎮洋縣

孝友

國朝

張閏字鳧襄議敘州判少時父岑夜半醉如廁閏心動趨視父溺池中亟躍入抱父以出有戚孀居二孫侈縱孀以貲寄閏暴卒閏呼其孫規以正言還所寄封識如

壬癸志稿

鎮洋

孝友

一

故鄰有士族鬻女吳門為贖歸擇配乾隆二年舉孝廉方正旋疾卒同里私諡曰孝惠子瞻淇諸生循例選甯州通判有循績瞻洛別有傳

朱周鳳字廣平諸生弟璿州廩生早歿撫養遺孤長為婚娶析產無異己子

凌駿字思遠諸生父歿時庶母弟彥甫六齡教之成立以故宅隘別購一區授之庶母苦節為之請旌嘗葬族人十三棺族有逋糧者代償焉卒年七十六

王廷輔字鳴周處市廛業星下方三歲時父秀芝病疽聞呼號聲即涕泣不止及長以孝聞家故貧竭蹶以供

甘旨枕席廁踰必躬親之父歿三年不御酒肉居母喪亦然姊二人所適俱貧時周恤之知州王鎬旌其門張鏞字維屏歲貢生少孤力學事繼母無異所生尤力行善事年六十卒

劉廷鉞字威若監生先世居西郊後得王世貞弇山園之中弇居之有亭池舊蹟母年逾九十病不能行日命二婢篋輿舁之遨遊其間以博歡笑時廷鉞已七十餘五世一堂愉愉如也母卒哀毀不少節卒年八十五王模字範成監生侍親疾衣不解帶棄產以供參藥未愈則割股肉以進爲人敦尙氣節工岐黃術

壬癸志稿

鎮洋

孝友

二

周京字西侯父士達見者碩傳母多病侍奉湯藥十三歲竟得霍然弱冠棄舉業習騎射由偏裨陞吳淞守備署參將父母歿後遂不復仕子象育字敬孚劉河干總父歿去官奉母卒

俞憲曾字企高年十二失怙性至孝母病革夜禱北斗剖股煎湯進疾竟瘳族人欲賣墳樹已議值憲曾往墓號慟三日事遂寢妻沈氏事姑誠篤里人稱雙孝

胡汝楷初字端士後改端木善篆刻弱冠時母病醫不能治汝楷割股肉以療之母後再病汝楷復割以進誤傷其筋致廢疾年三十一卒

錢廷燦字致廣天性純孝幼時母病顛天請代詰朝有道士扣門自稱宋姓雙鳳諸啟元薦至授以藥丸五服之果愈往謝啟元啟元曰無之且吾鄉并無宋姓醫者人以為孝感所致孫敬堂字魏勳諸生安貧自好不事科舉之學嘗得陸世儀手寫志學錄本仿而行之日省敬怠晚年玩心易學翛然自得州舉鄉飲賓卒年六十八

黃景濂字亦宋道光八年舉人能詩父為蜚語所指幾蹈不測景濂嚙指血作書陳於上官事旋解

張關通吳涇傭工也母老病瞽關通鮮兄弟又貧不能

壬癸志稿

鎮洋 孝友

三

娶扶持舖餒一身任之為人傭耕以體嬴工常後於人主家弗善改業蒲履又往往不售里中有憐之者曰此關孝子履也爭醵錢買之且招之傭母是以得無缺養腰間嘗繫一布囊食所傭家舍肉儲以遺母母享高壽關通年六十餘猶孺慕不衰

茜涇丐者失其姓名負母而來行乞街市晨必市湯餅啖母食已始去午復來侍母膳晚歸如之冬夜抱母睡早起負就暄夏則為之驅蚊母亡號哭幾絕向人乞錢布具棺衾斂而焚之詣所乞家稽顙謝乃負母骨而去不知所往又有丐者張立居城東楊家橋病寔槃散行

乞於市手持兩器一置餽穢者自食一置鮮潔者奉母
每飯扶母席地坐偃僕陳饋唱歌侑食以爲常

壬癸志稿

鎮洋

孝友

四

壬癸志稿二十一終